

SCRIPT OF MORNING GOJRI NEWS BULLETIN 20MAR 2026

1015HRS

مارنگ گوجری نیوز بولیٹن 20 مارچ 2026

یوہ آکاشوانی جموں ہے ، باغ علی طاہرتیں خبر سُنو۔

LG YOUTH

لیفٹیننٹ گورنر منوج س نہا نے کل کہیو ہے جے مستحکم ترقی غے ذریعے جموں کشمیر ثقافت غو اک متحرک مرکز غ اطور ور ابھرن غے نال نال اک متحرک مرکز غا طور ور ابھرن غے نال نال اک خوشحال یو ٹی بنن آلے پاسے آگے بدھ رہیو ہے۔ اُن غو کہنو تھو جے جموں کشمیر یو ٹی مانہہ اک روشن تے ترقی یافتہ مستقبل پیدہ کرن غی صلاحیت موجود ہے ایل جی موصوف جموں مانہہ نورہ منایا جان بارے منعقد کی گئی اک تقریب مانہہ بول رہیا تھا اس موقع ور بولتا واں اُن غو کہنو تھو جے مستقبل نوجواناں ور منحصر کرے اس موقع ور بولتا واں لیفٹیننٹ گورنر نے نوجواناں ور زور دتو جے وے بزرگاں غی طرفوں حاصل کی گئی حکمت تے دانائی تیں اثر لیتا واں عزم تے جوچ سنگ کم کریں تانجے جموں کشمیر نانہہ ملک غا ترقی یافتہ علاقاں مانہہ شامل کیو جاسکے۔ اُن غو مزید کہنو تھو جے نوجوان چھڑا بھارت غو ورثو ہی نی بلکہ یہ ملک نانہہ ترقی یافتہ بنان مانہہ نوی شکل دین ور پائیداد کل بنان مانہہ اپنو اہم کردار ادا کرسکیں۔

CM DELEGATIONS

وزیر اعلیٰ عمر عبداللہ نے کل سرینگر مانہہ اپنا رابطہ دفتر مانہہ بکھ بکھ عوامی وفداں سنگ ملاقات کی تانجے اُن غی تشویشاں تے ترقیاتی معاملن گو ازالو کیو جاسکے۔ اس موقع ور بکھ بکھ شعباں سنگ تعلق رکھن آلا نمائنداں نے عوامی سہولتاں ترقیاتی تانچہ تے بہبودی کماں ور لوہ پائی وزیر اعلیٰ نے اس موقع ور جوابدہ انتظامیہ غی ضرورت ور زور پاتا واں لوکاں غی جائیز شکایتاں غا ولے سر ازالہ غو یقین دوايو اُنہاں نے متعلقہ افسراں نانہہ ہدایت کی ہے جے وے یو ٹی مانہہ تیزی سنگ کم کرتا واں منصوباں غی موثر عمل آوری نانہہ یقینی بناویں اُنہاں نے اس موقع ور عوامی بہبود شفافیت تے مجموعی ترقی بارے سرکار غا عزم نانہہ وی دہرایو۔

SATISH MARKET DERIVE

صارفین غا مفاد غا تحفظ غی خاطر کیا جان غی اک فیصلہ کُن کاروائی مانہہ خوراک سیول سپلائیز تے صارفین معاملن بارے محکمہ گا وزیر ستیش شرما نے کل کٹڑہ تیں جموں توڑی بکھ بکھ جگہاں ور بازاراں غو وسیع پیمانہ ور معائنو کیو ہے اس معائنہ غے دوران خصوصی طور ور ایل پی جی گیس غی تقسیم کاری تے دستیابی نانہہ ترجیح دتی گئی اُنہاں نے بکھ بکھ ایل پی جی گوداماں گو چان چک معائنو کیو تے اُن غا نرخاں غو پتو لایو۔ اس موقع ور وزیر موصوف نے چور بازاری ذخیرہ اندوزی زیادہ قیمت وصولا جان غی صورت مانہہ ناقل برداشت غی پالیسی نانہہ دہراتاں واں متعلقہ افراد نانہہ خبردار کیو ہے اُنہاں نے

لوکان نانہہ فریقین دوايو ہے جے ایل پی جی غو وافر ذخیرو موجود ہے تے سرکار سپلائی زنجیر غی نیڑا تیں نگرانی کررئی ہے تانجے گیس غی دستیابی مانہہ کسے وی قسم غی رُکاوٹ تیں بچيو جاسکے۔

SMVD SHRINE PILGRIMS

بارش تے سردی غے باوجود کل چئینر نوراتری غا موقع ور ہزاراں غی تعداد مانہہ عقیدت مند کٹڑھ غی تریکوٹہ پہاڑی ور موجود شری ماتا ویشنو دیوی غا دربار ور حاضر ہوا شرائین بورڈ تے انتظامیہ غی طرفوں کیا گیا بہتر انتظامات غے بشکار 15 ہزار غے قریب یاتریاں نے ماتا غا دربار مانہہ عقیدت غو اظہار کیو۔ اس موقع ور حفاظت غا جامع انتظامات غے علاوہ یاتریاں واسطے صفائی ستھرائی پین غا پانی خوراک تے طبی خدمات جیسی سہولیت دستیاب رکھی گئی تھیں عہد یداراں نے اُمید ظاہر کرتا واں دسیو ہے جے نوراتراں غے دوران روزانہ 20 ہزار تیں 30 ہزار بشکار یاتری ماتا غا درشن کرسکیں۔

SNOWFALL TOURISTS

جموں کشمیر مانہہ ہوئی تازہ برف باری تیں سیلانیاں مانہہ کوشی غی لہر محسوس کی جارئی ہے جس نال یو ٹی سردیاں غی اک طلسماتی سرزمین بن گئی ہے بنی کٹھوعہ مانہہ سیلانیاں نانہہ برف مانہہ لطف اندوز ہوتاں تے خوبصورت نظارہ غی تصویر لیتا واں دیکھیو کیو ہے۔ اسے دوران سرینگر مانہہ ٹولپ گارڈن وی لگاتار سیلانیاں واسطے کشش غو مرکز بنیو وو ہے جت بکھ بکھ رنگاں غا گل لالہ غا پُھل بہترین نظارو پیش کررہیا ہیں۔ ٹولپ گارڈن غا اس خوبصورت منظور مانہہ تازہ برف باری نے وی اضافو کیو ہے جس غی وجہ نال قدرت سنگ پیار کرن آلا لوک تے فوٹو گرافر کاسا متوجہ ہو رہیا ہیں مقامی انتظامیہ نے البتہ سیلانیاں نانہہ حفاظتی رہنما سطور ور کار بند رہن غی وی صلاح دتی ہے سیلانیاں غی اس پیڑ سنگ یو ٹی مانہہ سیاحت نانہہ فروغ دین تے مقامی معشیت نانہہ باہدو ملن غی اُمید ظاہر کی جارئی ہے۔

WEATHER

محکمہ موسمیات نے اج وی جموں کشمیر مانہہ موسم خراب رہن غی پیش گوئی کی ہے کل لگاتار پنجویں روز وی بارشاں تے برف باری غی وجہ نال درجہ حرارت مانہہ کمی آئی ہے جموں شہر مانہہ زیادہ توں زیادہ درجہ حرارت 20 عشاریہ 2 ڈگری سلسیش ریکارڈ کیو کیو جد کہ بانہال بٹوت تے بدرواہ مانہہ وی ہلکی تیں درمیانہ درجہ غی بارش ریکارڈ کی گئی تے درجہ حرارت معمول تیں کھٹ درج کیو کیو ہے اج زیادہ تر موسم ابر آلود رہن تیں علاوہ کئی جگہاں ور بارش تے برف باری غو وی امکانن ہے جد کہ چناب وادی غا اُچا پہاڑی علاقاں مانہہ تے جنوبی کشمیر مانہہ پاری برف باری غی توقع ظاہر کی گئی ہے۔ اواں جموں مانہہ طوفانی ہوا تے کتے کتے ژالہ باری غو وی امکان ہے۔

JMC WATER BILLS

جموں میونسپل کارپوریشن غی طرفوں شہر مانہہ شروع کی گئی اک بیدادی مہم غے تحت رہائشیاں نانہہ آئندہ 31 مارچ توڑی پانی غا بقایا بل جمع کران واسطے کہیو جارہیو ہے کارپوریشن غا کمشنر ڈاکٹر دیوانش یادو نے جل کشتی محکمہ نانہہ ہدایت کی ہے جے ڈویزن اک تے ڈویزن 2 مانہہ کل 12 سہولیات کی کمپ روپ نگر جی پور کنجوانی ترکوٹہ گر تے چھنی ہمت غا مقامات ور قایم کیا جئیں عہد یداراں رہائشیاں نانہہ موقع ور ادائگیاں واسطے مدد کر رہیا ہیں تانجے لوکاں نانہہ لمی قطاراں مانہہ کھلا ہون غی مشقت تیں بچایو جاسکے واضع رہ جے اس ویلے 30 کروڑ روپیاں غا پانی غا بل بقایا این تے اس بیداری مہم غا شروع کیا جان غو مقصد ولے سر ان بلاں نانہہ جمع کرنو، پانی غا ٹانچہ نانہہ قائم رکھنو تے شہریاں مانہہ ذمے داری غا احساس نانہہ فروغ دینو ہے۔

CENSUS TRAINING

قومی سطح ور مردم شماری واسطے عہدے داراں تے ملازماں ناہہ تیار کیا جان غا مقصد سنگ سماجی بہبود محکمہ ریاسی غی طرفوں پہلا مرحلہ واسطے اک بڑا تربیتی پروگرام غو آغاز کیو گیو ہے اس مرحلہ مانہہ رہائشی کہراں غی فہرست تیار کرن تے کہراں غی مردم شماری بارے تربیت مہیا کرائی گئی اس راہ چارج افسر ایس ڈی ایم ز تے مردم شماری کلرکاں نانہہ رہائشی کہراں غی فہرست تیار کرن رہائشیاں غا اعدادو شمار جمع کرن رہائشیاں نانہہ دستیاب سہولتاں اٹاٹا تے ترقیاتی ٹانچہ غی دستیابی جیسا اعدادو شمار غی فہرست بنان غی جانکاری دتی گئی تربیتی پروگرام مانہہ شامل افسراں تے ملازماں ور زور پایو جے وے مردم شماری غا عمل غے دوران صیح اعدادو شمار ریکارڈ کرن تے مکمل کوریج نانہہ یقینی بناویں۔
